



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt XXIV. S. Haimerani monasterium, in vrbe Ratisbonensi.

urn:nbn:de:hbz:466:1-11261

CAPVT XXIV.

S. Haimerani monasterium, in vrbe Ratisbonensi.

640.

Circa annum Christi 640. Haimeranus Pictonum in Gallia fuit Episcopus: qui relicto Pictauiensi Episcopatu, tempore Constantini tertij, Ratisbonam venit, vt ibi populum in Catholica fide, nuper à S. Ruperto institutum confirmaret, ac magis instrueret, sub Theodone quinto, Bauariæ Duce, qui eum benignè suscepit, & Episcopum Ratisbonensem constituit. Huic Theodoni filia fuit *Huta* quam *Sigibaldus* vir nobilis compresserat: intumescente verò vtero, huius flagitij culpam in S. Haimeranum (qui tum in itinere erat, Romam versus) absentem transfecit Laudebertus autem frater puellæ, rei indignitate commotus, sanctum Haimeranum insequitur, & comprehensum in pago *Helfendorf*, in superiori Bauaria circa monachium, in frustra articulatum disseccari iubet. Membra verò dissecta nauiculæ imposita, aduerso Danubio sunt Ratisbonam translata, ibidem sepeliuntur in sacello S. Georgij extra vrbis mœnia, præsentè Theodone Duce, anno 652. Theodo igitur, vt morstanti Pontificis, cuius innocentia miraculo patefacta est, expiaretur, *Hutam* filiam in Italiam relegat, Landobertus fit profugus, &

gus, & in exilio perit, Iste Theodo monasterij S. Haimerani primus fundator anno 696. exstitit.

Sequenti anno, scilicet 697. *Appollonius* primus huius monasterij Abbas præficitur. Erat tum idem monasterium vix Capella monachorum, sed postea per *Simpertum* Episcopum Ratisbonensem, iussu Caroli magni, fuit magnificè inchoatum & perfectum. De licentia Tassilonis, Ducis Bauariæ, aliquæ prædiorum traditiones casæ constructæ, in honorem S. Petri & Haimerani sunt factæ; inter alias vna, anno Ducatus eius XIII. Ex quo constat Ecclesiam fuisse ante Carolum Magnum Imp. constructam.

Anno Domini 732. Bonifacius Moguntinus Archiepiscopus *Gaubaldum* Episcopum Ratisbonensem constituit, qui primus in ordine fuit eorum, qui istam cathedram & ordinariam Episcoporum successionem inchoarunt. Nam ante hunc fuere Episcopi tantum aduentitij, Sub hoc Gaubaldo S. Haimeranus est translatus.

Anno 752. *Simpertus* Ratisbonensis Episcopus monasterium S. Haimerani, iussu & sumptibus Caroli Magni Imperatoris, magnificè (vt dictum est) ædificare incepit; sequenti anno S. Bonifacius martyrium subiit apud Frisones.

*Pars altera
illi quorum
quiescit in
S. Dionysij
monasterio,
in Francia.*

In hoc S. Haimerani monasterio sepulti sunt quàm plures sancti & celebres viri, inter quos est S. *Haimeranus*, deinde S. *Dionysius*, ut volunt, *Araopagita*, qui vnà cum Rustico & Eleutherio, consortibus suis, sub Domitiano & Sisinnio Fescennino, Præfecto apud urbem Parisiorum Gallia clarissimam, Martyrio coronatus est. Huius sanctissimi Martyris reliquiæ per Arnolphum Imperatorem ex Gallia, vnà cum pretiosissimo Euangeliorum codice, quem Carolus Rex Francia, postea Imperator dictus Caluus, fieri iusserat, ad monasterium S. Haimerani translatae sunt anno 900, pridie Decembris.

Sanctus denique *Vvolffgangus*, Ratisbonensis Episcopus, in monasterio S. Haimerani corporaliter requiescit.

Arnolphus item Imperator, Carolomanni Regis Bauariae apud Otingam sepulti, ex illustri femina filius, non tamen legitimus, in hoc monasterio humatus est in choro; pariterq; huius filius *Ludouicus* Rex Romanorum. *Hemma* præterea Regina, Ludouici Regis Bauariae filij Ludouici Pij vxor in Ecclesia S. Haimerani post altare S. Achatij requiescit. De qua re magna est contentio inter Haimeranos & moniales Superioris Monasterij, quæ asserunt fundatricem in suo templo sepultam, eiusque mausæolum ostendunt, & nituntur diplomate Caroli Imperatoris Crassi, filij fundatricis. Econtra Hermannus Contractus vetus Historicus sic loquitur: Anno Do-

mini

mini 876. *Hemma Regina Ratisbona obijt, & in Basilica S. Emerani sepulta est. Sed vtrumque potest verum esse, vt primò apud S. Emeranum sepulta, postea ad Monasterium Superius, locum nouæ suæ plantationis sit translata: quod sæpe contingit. Et putat Auentinus lib. 4. mausæolum, quod apud S. Emeranum ostenditur, non esse Hemmæ, sed potius Hute Augustæ, vxoris Arnolphi Imperatoris.*

Henricus primus Bauariæ Dux, ex gente Saxonum, frater Ottonis magni Imperatoris, dicitur quoque in hoc monasterio humatus, sed quo in loco, non constat, Auentinus in Annalibus, Huius filius Henricus Bauaria Dux secundus, cognomento Rixosus, in monasterio S. Haimerani, in sinistro latere, prope chorum humatus est. E regione huius Henrici, Ducis Bauariæ, patris Henrici sancti Imperatoris, hodie cernitur sepulchrum Arnoldi, Ducis Bauariæ, cognomento Mali.

In hoc monasterio sepultus est etiam B. Rainoldus, eiusdem monasterij Abbas, S. Vvolfgangi patruelis, quem S. Vvolfgangus è Treuerensi vocauit cœnobio, & S. Emerani primò Præpositum, deinde Abbatem constituit anno 975.

Aedificauit hic Rainoldus cryptam sui nominis, in qua sibi sepulcrum designauit, quam S. Vvolfgangus dedicauit. In qua crypta iuxta aram S. Gregorij, & omnium Confessorum, humatus est cum hoc disticho:

*Obijt anno
1001.*

*Signis clarescit pius hic Rainoldus humatus,
Celo fulgescit celestibus associatus.*

Obijt anno M. I. X V. Kalendas Iulij.

Claruit miraculis quàm plurimis, vt patet
ipfius historiam legenti. Huius Rainoldi
temporibus puella quædam, filia Regis Fran-
ciæ, Aurelia nomine, ad vitandum mariti
commercium profuga, venit ad monasteri-
um S. Haimerani: quam S. Vvolfgangus col-
locauit in solitudine, quæ nunc vocatur Sa-
cellum S. Andreæ, iuxta vrbs Ratibonensis
mœnia, vbi in vigilijs & orationibus 52. an-
nis deuotiffimè vixit, & anno 1027. Idibus
Octobris obiit, & in ambitu monasterij S.
Haimerani sepulta iacet, ad partem Austra-
lem, habens in superiori marmore hoc disti-
chon:

*Hic pia florescit Aurelia virgo sepulta,
Quæ pœnas nescit, celi dulcedine fulta.*

In Australi ambitus plaga beatæ memoriæ
Adalbertus, huius monasterij Abbas sepultus,
requiescit intra cancellos ferreos, cuius mau-
seolo inscripta hæc carmina:

*Floruit hic signis Abbas Albertus opimis,
Illius precibus Iesu Rex parce redemptis.*

Obijt anno 1177.

Vixit sub Friderico primo, Imperatore
Romano. Inuentum est corpus *Hemma* Regi-

na, vxo-

næ, vxoris Ludouici, Regis Bauariæ, inter ruinas murorum ex incendio anno Domini 1163. collapsorum. Præter has celebres personas, in monasterio S. Haimerani requiescunt 18. Episcopi Ratisbonenses, Sic ferè Viguleus Hundius in Metropoli sua Salisburgensi.

CAPVT XXV.

Regni Francia cœnobia varia.

Mollispeci cœnobium Abbatiale apud Bituriges, vulgò *Meobec en Berry*, Dagobertus I. Galliæ Rex excitauit: exstatque diploma apud Renatum Choppinum lib. 2. Monasticum, tit. 2. Ego Dagobertus filius Clotharij Regis, filij Chilperici, filij Clotharij &c. Datum anno Salutis 642.

642.

Insula Barbaræ Abbatiam apud Lugdunum si non fundauit, certè instaurauit omnino ruinosam Carolus Magnus Imperator: vt in Historia Lugdunensi lib. 2. cap. 106. legitur.

Monasterium S. *Michaëlis ad Erenum* instaurauit Guilielmus Aquitaniæ Dux, Caput stupeum nuncupatus.

Cormeriacum in D. Turonensi fundauit Carolus Magnus ac dotauit ex templi Martiniani prædijs, agente in primis Iterio primo illius loci Abbate.

In vr-